



Preguntas frecuentes

Rexistro de plans de autoprotección

1. Introducción

De seguido preséntase unha relación de preguntas frecuentes, que pretenden aclarar as principais cuestións que poidan xurdir relativas aos plans de autoprotección e a súa inscrición no rexistro de plans de autoprotección da comunidade autónoma de Galicia.

As preguntas frecuentes recollidas neste documento preséntanse agrupadas no seguintes apartados:

- [Elaboración do plan de autoprotección, PAU](#)
- [Rexistro do plan de autoprotección](#)
- [Afectacións e actividades](#)

2. Elaboración do plan de autoprotección, PAU

Cal é o contido do PAU?

O documento debe ter a estrutura e o contido que se recolle no anexo II do Decreto 171/2010, de 1 de outubro, sobre Plans de Autoprotección na Comunidade Autónoma de Galicia.

Que actividades deben elaborar o PAU?

Os centros, establecementos, instalacións, actividades (eventos) que se determinan no anexo I do Decreto 171/2010, de 1 de outubro.

Hai que redactar o PAU en galego?

O PAU pode estar redactado en calquera das linguas oficiais de Galicia.

Quen ten que elaborar o PAU?

A elaboración, implantación, mantemento e revisión é responsabilidade do titular da actividade.

Donde teño que presentar o PAU?

Ante o órgano da Administración pública competente para outorgar a licenza, permiso ou autorización para a explotación ao inicio da actividade ou, no seu caso, ante o que se presenta comunicación previa.

Se eu son o arrendatario dun centro que ten a obriga de dispor de PAU, quen ten que facer e implantar o Plan?

Son os titulares das actividades, en réxime de arrendamento, concesión ou contrata, que se atopen fisicamente nos centros, establecementos, espazos, instalacións e dependencias que deban dispor de PAU os que deben elaborar, implantar e integrar os seus plans, cos seus propios medios e recursos.

No caso de actividades temporais nun centro que xa conta con PAU, hai que facer un novo PAU para esa actividade temporal?

No caso de actividades temporais incluídas no anexo I que vaian ser realizadas en centros, establecementos, instalacións e/ou dependencias, que dispoñan de autorización para unha actividade distinta da que se pretende realizar, o organizador da actividade temporal estará obrigado a elaborar e implantar, con carácter previo ao inicio da nova actividade, un PAU complementario.

Se nun mesmo centro se realizan actividades diferentes e recollidas no anexo I do decreto 171/2010, do 1 de outubro, tense que facer un PAU por cada actividade?

Non. Os centros, establecementos, espazos, instalacións e dependencias que deban ter PAU deberán integrar nel os plans das distintas actividades que se encontren fisicamente no mesmo espazo, así como recoller o resto de actividades inda que non estean recollidas no devandito anexo I. Tamén pode admitirse un PAU integral único, sempre que se prevexan todos os riscos particulares de cada unha das actividades que conteñan.

Se o PAU dun centro de traballo está formado por varias actividades pero só unha está afectada polo Decreto 171/2010, de 1 de outubro, hai que achegar planos de detalle de cada unha das actividades do centro de traballo?

So son necesarios os planos de detalle das actividades que non están afectadas polo Decreto 171/2010, do 1 de outubro, no caso de que sexan imprescindibles para valorar o efecto dominó.

Cando se debe presentar a revisión dun PAU?

O PAU tense que revisar sempre que haxa unha modificación substancial e, como máximo, cada tres anos, a non ser que a normativa sectorial estableza outro prazo menor.

3. Rexistro do plan de autoprotección

A inscrición no Rexistro Electrónico de Plans de Autoprotección na Comunidade Autónoma de Galicia, REGAPE ten carácter voluntario?

É obrigatoria para tódolos centros, establecementos, instalacións, actividades ou eventos que se determinan no catálogo de actividades do anexo I do Decreto 171/2010, de 1 de outubro, e voluntaria para as non recollidas no devandito anexo.

Cal é a finalidade do REGAPE?

Contar cunha base de datos sobre o contido dos PAU á cal poderán acceder os diferentes servizos de emerxencia da Comunidade Autónoma de Galicia, coa finalidade de ampliar información, en caso de sinistro, sobre os centros, eventos, actividades, establecementos, espazos e instalacións, públicas ou privadas, que faciliten as posibles intervencións.

Como presento unha solicitude para o REGAPE?

So é posible a presentación telemática da solicitude de rexistro do PAU

Debe identificarse mediante Chave365 ou Certificado Dixital.

Para iso ten que acceder a Sede Electrónica da Xunta de Galicia:

- <https://sede.xunta.gal/portada>
- Iniciar o procedemento PR485A - Inscrición no rexistro de plans de autoprotección da Comunidade Autónoma de Galicia
- Clicar na opción "Crear solicitude"
- Cumprimentar os formularios existentes e anexar os documentos que sexan requiridos

Pode rexistrar o PAU outra persoa autorizada ou teño que facelo eu?

Pode delegar en terceiras persoas utilizando os procedementos PR005A, PR005B ou PR005C, dispoñibles na SEDE da Xunta de Galicia. Polo PR005C, as persoas físicas ou xurídicas poden apoderar a unha persoa física ou xurídica para os procedementos que considere

E se necesito modificar un existente ou dalo de baixa?

Séguese o mesmo procedemento e prémese na opción "Crear solicitude". Dará a opción de alta, modificación ou baixa do rexistro do PAU.

Que documentos necesito ter para rexistrar un PAU no REGAPE?

- Declaración de que se entregou o documento PAU ante o órgano que outorga a licenza, permiso ou autorización determinante para a explotación ou inicio da actividade
- Declaración responsable da persoa redactora na que ela mesma declara a súa habilitación e capacitación
- Certificado de implantación
- Taxas administrativas indicadas pola inscrición no rexistro (Código da taxa 30.02.00)
- Plano de descrición dos accesos ao centro
- Plano de elementos vulnerables
- Plano de focos de perigo
- Plano de localización e entorno do centro
- Acreditación da representación, se é o caso

Se esta documentación xa fora presentada con anterioridade noutro procedemento, poderá volver a achegala ou ben indicar no apartado correspondente do rexistro o Órgano, Código de Procedemento e ano de presentación.

Que pasaría se hai algún erro ou falta documentación?

Recibirá a través do Sistema de notificación electrónica de Galicia-Notifica.gal <https://notifica.xunta.gal> o requirimento coa documentación que ten que achegar ou os datos que debe modificar

E se non se achega a documentación requirida ou se fai caso omiso do requirimento?

Iniciarase un procedemento de oficio de baixa do PAU do REGAPE e notificaráselle ós efectos de tal procedemento.

Hai que pagar taxas polo rexistro dun PAU?

Si, salvo determinados casos nos que esta exento. As taxas, prezos e exaccións da Comunidade Autónoma de Galicia para cada ano están reguladas pola Lei 6/2003, do 9 de decembro e publícase a súa contía no DOG a principios de ano. En caso de estar exento débese subir unha solicitude de exacción das taxas.

Se actualizo o PAU teño que volver a aboar taxas?

As modificacións substanciais están suxeitas ao abono de taxas. As modificacións non substanciais (nomes, teléfonos, datas de revisión de elementos de protección, etc...), non.

A actualización do PAU xera algún documento acreditativo?

Non. O simple feito de actualizar o PAU queda reflectido nos formularios e datos do propio REGAPE.

Persoas alleas ao REGAPE poden acceder ao REGAPE?

Os datos facilitados poden ser cedidos ás entidades previstas no Decreto 171/2010 sobre plans de autoprotección en la Comunidade Autónoma de Galicia, exclusivamente para as finalidades ás que se refire o Decreto nos seus artigos 5ª (servizos de emerxencias) e 6ª (inspección e control).

Que documento recibirei cando rexistre un PAU no REGAPE?

Recibirá a través do Sistema de notificación electrónica de Galicia-Notifica.gal <https://notifica.xunta.gal> unha resolución de rexistro e unha dilixencia de comunicación de alta no REGAPE.

E se teño algún erro ou algún esquecemento no proceso de rexistro do PAU?

Pode acceder en calquera momento ao procedemento PR485A en SEDE e solicitar unha modificación ou ben acceder ao expediente en A miña sede, na s sede electrónica da Xunta para dar resposta aos requirimentos a través da achega de nova documentación.

Canto teño que esperar para saber si se rexistrou un PAU?

Hai un **prazo máximo de tres meses** para notificarlle a inscrición no rexistro, unha vez se cumplan tódolos requisitos. De non recibir resposta neste prazo o interesado poderá entender estimada a súa solicitude.

Cando se ten que rexistrar o PAU para unha actividade de festa de Fin de Ano?

Dependendo do recinto, número de persoas, etc, tense que considerar unha actividade de carácter temporal e hai que rexistrar o PAU coa antelación suficiente, antes do inicio da actividade, tendo en conta que a Administración conta con tres meses para resolver o rexistro.

A efectos de prazos, os sábados considéranse días hábiles ou festivos?

De acordo con o artigo 30 da Lei 39/2015, do 1 de outubro, todos os días teñen a consideración de hábiles excepto os sábados, domingos e festivos.

Se unha actividade que está en proceso de rexistro, ten unha emerxencia, pode aplicar o PAU que presentou á Administración?

Si, xa que é o único instrumento dispoñible para xestionar emerxencias, ademais de solicitar axuda ao CIAE 112 Galicia.

O titular dunha actividade pode desistir do procedemento de rexistro do PAU?

Si. A desistencia é unha das formas de finalización dun acto administrativo no que a persoa interesada – o titular dunha actividade, neste caso– retira ou deixa sen efecto a súa solicitude que está en trámite, pero sen perder o dereito de iniciar novamente o mesmo trámite. A desistencia tense que facer sobre unha solicitude en trámite e, por tanto, antes da finalización do procedemento.

Que vías hai para presentar documentación relacionada co rexistro do PAU?

So a través da SEDE da Xunta de Galicia, vía electrónica. O correo electrónico non é unha canle válida presentar documentación que teña que ver cun expediente dun plan de autoprotección.

Como hai que proceder se se fan cambios nunha actividade ou na organización da resposta ás posibles emerxencias?

Os cambios teñen que ser incorporados ao PAU e comunicados ao Órgano ante o que se presentou o PAU. Tamén se debe iniciar o procedemento de modificación do rexistro, a través do procedemento PR485A.

4. Afectacións e actividades

É necesario que unha actividade temporal que se repite periodicamente rexistre cada vez un novo PAU?

Si, pois unha vez finalizada a actividade obxecto de inscrición no rexistro, a persoa titular debe solicitar a baixa da inscrición no prazo máximo de tres meses desde o cesamento da actividade. E así, no caso volver a realizar a devandita actividade, será necesario rexistrar os datos do novo PAU no REGAPE.

Dada unha actividade con varios edificios, fai falta que cada edificio leve a cabo un simulacro anual?

Non. Para avaliar o PAU e asegurar a súa eficacia e a operatividade, realizaranse simulacros de emerxencia coa periodicidade mínima que fixe o propio plan e, en todo caso, polo menos unha vez ao ano.

Que diferenza hai entre ocupantes e aforo?

O aforo é a capacidade total de público nun recinto ou edificio destinado a **espectáculos públicos ou actividades recreativas**. A ocupación é o máximo número de persoas que contén un edificio, espazo, establecemento, recinto, instalación ou dependencia, en función da actividade ou uso que nel se desenvolva.

Un aparcamento subterráneo compartido por varias actividades de titularidades diferentes, está obrigado a dispor de PAU se algún dos edificios está obrigado?

O aparcamento en por si non está obrigado a dispor do PAU. O edificio ou edificios que poidan estar afectados por outros condicionantes teñen que elaborar o plan de autoprotección e teñen que incluír o aviso ao resto de actividades coas cales comparten espazo, incluso si non están afectadas.

Unha actividade recreativa que ten lugar nunha carpa durante uns días determinados ten que considerar o total de entradas que prevé vender ou o total de persoal que se prevé que estea presente durante a actividade?

Para os efectos do PAU tense que considerar o número total de público no recinto.

Como se calcula a altura de evacuación?

Segundo o Código Técnico da Edificación, a altura de evacuación é a diferenza de cota topográfica entre o nivel dunha orixe de evacuación e o do espazo exterior seguro. Por tanto, hai que tomar a altura de evacuación a partir da parte máis alta onde se desenvolve unha actividade, aínda que no medio haxa espazos desvinculados da actividade ou mesmo sen actividade.

Cal é a ocupación que hai que prever nun recinto que consta de diferentes edificios de uso deportivo (pavillón, vestiarios, salas de instalacións, oficinas, pistas, bancadas, bar, etc.) que en ocasións esporádicas, utilízase para concertos e acontecementos?

A ocupación que hai que considerar é a máxima por actividade, é dicir, o número de persoas que se poden atopar nun momento determinadas de maneira simultánea. En ningún caso tense que considerar a capacidade máxima total do establecemento.

Un aparcamento compartido por varios edificios con capacidade de 470 prazas distribuídas en catro plantas, está obrigado a dispoñer de PAU?

As actividades de aparcamento non están incluídas no anexo I, polo que non teñen a obriga de dispoñer de PAU. Se o edificio ou edificios afectados teñen que elaborar o PAU, deberán incluír o aviso ás actividades coas que comparten o espazo.

O PAU dun porto deportivo ten que incluír a totalidade de actividades que estean dentro da mesma concesión do porto deportivo?

O PAU ten que incluír todas as actividades incluídas dentro da mesma concesión do porto deportivo aínda que as persoas titulares destas actividades sexan diferentes.

E ten que incluír unha breve descrición das diferentes actividades que comparten as instalacións do porto deportivo, e hai que valorar se se pode xerar efecto dominó. Tamén se ten que establecer a coordinación, en caso de emerxencia, co resto de actividades incluídas no ámbito da concesión.

Se un edificio cunha altura de evacuación de 28 metros non leva a cabo ningunha actividade na última planta, ten a obriga de contar con PAU

Os edificios que teñen unha altura de evacuación de 28 metros, os cales teñen situados na última planta unicamente elementos técnicos das instalacións e as partes integrantes dos servizos do edificio de carácter común, non teñen que elaborar PAU. Este criterio de excepción non é aplicable a establecementos de uso docente, que pola súa vulnerabilidade sempre teñen que elaborar un PAU se teñen unha altura de evacuación igual ou superior a 28 metros ou ben se están afectados por algún outro epígrafe do Decreto 171/2010, do 1 de outubro,

As gasoleiras están afectadas pola ITC APQ-1 se teñen máis de 200 m³? E tamén o están pola ITC IPO4 se teñen máis de 500 m³?

As gasoleiras só están afectadas polo epígrafe 2a do Decreto, en concreto pola ITC IPO4.

Unha actividade de concerto ao aire libre que ten lugar durante uns días determinados nun espazo delimitado con valos tense que clasificar como unha "instalación pechada desmontable ou de tempada?"

Non, unha "instalación pechada desmontable" tense que entender como unha instalación tipo carpa, que dispón de paredes, de teito e de pasos ou portas.

Unha comunidade de veciños con 1.500 persoas, está afectada polo Decreto 171/2010, do 1 de outubro?

Unha comunidade de veciños de uso residencial privado non está afectada polo Decreto, porque o Decreto é aplicable a actividades e centros. Para os efectos do Decreto, unha actividade é o conxunto de operacións ou tarefas que leva a cabo unha empresa ou industria que poden dar lugar a accidentes ou acontecementos que xeren situacións de emerxencia ou que poidan sufrir as consecuencias.